

通鑑總類

二十二



軍法門

漢祭遵殺舍中兒

更始二年大司馬劉秀舍中兒犯灋軍市令祭遵格殺之秀怒命收遵主簿陳副諫曰明公常欲衆軍整齊今遵奉灋不避是教令所行也乃貴之以爲刺茲將軍謂諸將曰當備祭遵吾舍中兒犯灋尚殺之必不私諸卿也

孫策入表術營斬逃卒

興平元年表術以孫堅餘兵千餘人還策表拜懷義校尉策騎士有罪逃入術營隱於內殿策指使人就斬之訖詣術謝術曰兵人好叛當共疾之何爲謝也由是軍中益畏憚之

吳呂蒙垂涕斬同郡人

建安二十四年呂蒙入江陵約令軍中不得干歷人家有所求取蒙麾下士與蒙同郡人取民家一笠以覆官鎧官鎧雖公蒙猶以爲犯軍令不可以鄉里故而廢灋遂垂涕斬之於是軍中震慄道不拾遺

蜀諸葛亮用兵不廢法

魏太和二年初越雋太守馬謖才器過人好論軍計諸葛亮深加器異以爲參軍及出軍祁山以謖督諸軍在前與張郃戰于街亭謖違亮節度舍水上山不下據城張郃絕其汲道擊大破之亮進無所據乃還漢中收謖下獄殺之撫其遺孤恩若平生蔣琬謂亮曰昔楚殺得臣文公喜可知也天下未定而戮智計之士豈不惜乎亮流涕曰孫武所以能制勝於

天下者用灋明也是以揚于亂灋魏絳戮其僕四海分裂兵  
交方始若復廢灋何用討賊邪

晉苟晞不以王法貸從弟

永嘉元年苟晞屢破彊寇威名甚盛善治繁劇用灋嚴峻其  
從母依之晞奉養甚厚從母子求為將晞不許曰吾不以王  
灋貸人將無後悔邪固求之晞乃以為督護後犯灋晞杖節  
斬之從母叩頭救之不聽既而素服哭之曰殺卿者兗州刺  
史哭第者若道將也

宋沈慶之乞不斬王元謨

元嘉二十八年蕭斌王玄謨皆坐退敗免官文帝問沈慶之  
曰斌欲斬玄謨而卿止之何也對曰諸將奔退莫不懼罪自  
歸而死將至逃散故止之

通鑑總類卷十一

軍法門三十九

四

北魏孝文違軍法赦盜

齊永明十一年魏主至肆州大司馬安定王休執軍士為盜  
者三人以徇於軍將斬之魏主行軍遇之命赦之休不可曰  
陛下親御六師將遠清江表今始行至此而小人已為攘盜  
不斬之何以禁姦帝曰誠如卿言然三不之體時有非常  
之澤三人罪雖應死而因緣遇朕雖違軍法可特赦之既而  
司徒馮誕曰大司馬執法嚴諸君不可不慎於是軍中肅  
然

唐河東諸鎮皆奉灋

應元年初李國貞治軍嚴朔方將士不樂皆思郭子儀故

王元振因之作亂子儀至軍元振自以為功子儀曰汝臨賊境輒害主將若賊乘其釁無絳州矣吾為宰相豈受一卒之私邪收元振及其同謀四十人皆殺之辛雲京聞之亦推按殺鄧景山者數十人誅之由是河東諸鎮率皆奉灋

### 段秀實竟殺犯盜之卒

大曆元年以馬璘兼邠寧節度使璘以段秀實為都虞候卒有能引弓重二百四十斤者犯盜當死璘欲生之秀實曰將有愛憎而法不一雖韓彭不能為理璘善其議竟殺之璘處事或不中理秀實力爭之璘有時怒甚左右戰栗秀實曰秀實罪若可殺何以怒為無罪殺人恐涉非道璘拂衣起秀實徐步而出良久璘置酒召秀實謝之自是軍州事皆咨秀實而後行

### 郭子儀禁軍中無故走馬

三年郭子儀禁軍中走馬南陽夫人乳母之子犯禁都虞候杖殺之諸子泣訴於子儀且言都虞候之橫子儀叱遣之明日以事語僚佐而歎息曰子儀諸子皆奴材也不賞父之都虞候而惜母之乳母子非奴材而何

### 李絳乞責承瓘懲將帥

元和五年吐突承瓘自行營還復充左軍中尉裴均曰承瓘首唱用兵疲弊天下卒無成功陛下縱以舊恩不加顯戮豈得全不貶黜以謝天下乎李絳奏稱陛下不責承瓘它日復有敗軍之將何以處之若或誅之則同罪異罰彼必不服若

或釋之則誰不保身而玩寇乎願陛下割不忍之恩行不易之典使將帥有所懲勸間一日憲宗罷承璀中尉降為軍器使中外相賀

### 太祖皇帝部兵莫敢不盡死

後周顯德三年唐齊王景達將兵二萬自瓜步濟江距六合二十餘里設柵不進居數日唐出兵趣六合

太祖皇帝奮擊大破之殺獲近五千人餘衆尚萬餘走度江爭舟溺死者甚衆於是唐之精卒盡矣是戰也士卒有不致力者

太祖皇帝陽為督戰以劍斫其皮笠明日徧閱其笠有劍跡者數十人皆斬之由是部兵莫敢不盡死

通鑑總類卷十一

軍法門四十一

### 南唐劉仁贍以軍法斬幼子

四年周兵圍壽春連年未下城中食盡齊王景達自濠州遣邊鏞等泝淮救之軍於紫金山列十餘寨如連珠與城中烽火晨夕相應劉仁贍請以邊鏞守城自帥衆決戰齊王景達不許仁贍憤邑成疾其幼子崇諫夜泛舟度淮北為小校所執仁贍命胥斬之左右莫敢救監軍使周廷構哭於中門以救之仁贍不許廷構復使求救於夫人夫人曰妾於崇諫非不愛也然軍法不可私名節不可虧若貸之則劉氏為不忠之門妾與公何面目見將士乎趣命斬之然後成喪將士皆感泣

民兵門

唐田承嗣籍戶口爲兵

廣德元年以魏博都防禦使田承嗣爲節度使承嗣舉管內戶口壯者皆籍爲兵惟使老弱耕稼數年間有衆十萬又選其驍健者萬人自衛謂之牙兵

李抱真選民丁習射

永泰元年加李抱真王鳳翔隴右節度使以其從弟抱真爲澤潞節度副使抱真以山東有變上黨爲兵衝而荒亂之餘土瘠民困無以贍軍乃籍民每三丁選一壯者免其租徭給弓矢使農隙習射歲暮都試行其管內比三年得精兵二萬既不費廩給府庫充實遂雄視山東由是天下稱澤潞步兵爲諸道最

通鑑總類卷十一

民兵門四十二

吳結民兵習戰

後梁貞明五年吳禁民私畜兵器盜賊益繁御史臺主簿盧樞上言今四方分爭宜教民戰且善人畏法禁而姦民弄工戈是欲偃武而反招盜也宜團結民兵使之習戰自衛鄉里從之

後唐征夫無益於用

後晉天福元年唐潞王詔大括天下將吏及民間馬又發民爲兵每七戶出征夫一人自備鎧仗謂之義軍期以十一月俱集命陳州刺史郎萬金教以戰陳用張延朗之謀也凡得馬二千餘匹夫五千人實無益於用而民間大擾

齊王籍鄉兵大為擾民

開運元年詔諸州所籍鄉兵號武定軍凡得七萬餘人時兵荒之餘復有此擾民不聊生

晉罷鄉兵輸錢民益為盜

後漢天福十二年初晉置鄉兵號天威軍教習歲餘村民不閑軍旅竟不可用悉罷之但令七戶輸錢十千其鎧仗悉輸官而無賴子弟不復肯復農業山林之盜自是而繁及契丹入汴縱胡騎打草穀又多以其子弟及親信左右為節度使刺史不通政事華人之狡獪者多往依其麾下教之妄作威福培斂貨財民不堪命於是所在相聚為盜多者數萬人少者不減千百攻陷州縣殺掠吏民淦陽賊帥梁暉有衆數百

送款晉陽求效用高祖許之磁州刺史李穀密通表於高祖令暉襲相州暉偵知高唐英未至相州積兵器無守備夜遣壯士踰城入啓關納其衆殺契丹數百其守將突圍走暉據州自稱留後表言其狀

淮南白甲軍

後周顯德三年初唐人以茶鹽強民而徵其粟帛謂之博徵又興營田於淮南民甚苦之及周師至爭奉牛酒迎勞而將帥不之恤專事俘掠視民如土芥民皆失望相聚山澤立堡壁自固操農器為兵積紕為甲時人謂之白甲軍周兵討之屢為所敗先所得唐諸州多復為唐有

吳越王括境內民兵



吳越王弘俶括境內民兵勞擾頗多判明州錢弘億手疏切  
諫罷之

三五

通鑑總類卷十一

民兵門四十四

何

# 養兵門

唐李吉甫撰元和國計簿

元和二年是歲李吉甫撰元和國計簿上之總計天下方鎮四十八州府二百九十五縣千四百五十三其鳳翔鄜坊邠寧振武涇原銀夏靈鹽河東易定魏博鎮冀范陽滄景淮西淄青等十五道七十一州不申戶口外每歲賦稅倚辦止於浙江東西宣歙淮南江西鄂岳福建湖南八道四十九州一百四十四萬戶比天寶稅戶四分減三天下兵仰給縣官者八十三萬餘人比天寶三分增一大率二戶資一兵其水旱所傷非時調發不在此數

邠寧兵憤不得衣資

〇三五

通鑑總類卷十一

養兵門四十五

十五年滑州刺史郝玼數出兵襲吐蕃營所殺甚衆李光顏發邠寧兵救涇州邠寧兵以神策受賞厚皆愠曰人給五十緡而不識戰鬪者彼何人邪常額衣資不得而削冒白刃者此何人邪洵洵不可止光顏親為開陳大義以諭之言與涕俱然後軍士感悅而行將至涇州吐蕃懼而退

後唐軍士乏食

同光三年初莊宗得魏州銀槍效節都近八千人以為親軍皆勇悍無敵夾河之戰實賴其用屢立殊功常許以滅梁之日大加賞賚既而河南平雖賞賚非一而士卒恃功驕恣無厭更成怨望是歲大饑民多流亡租賦不充道路塗潦漕輦艱澀東都倉廩空竭無以給軍士租庸使孔謙日於上東門

外望詣州漕運至者隨以給之軍士乏食有雇妻鬻子者老弱采蔬於野百十為羣徃徃餒死流言怨嗟而莊宗遊畋不息獵於白沙皇后皇子後宮畢從時大雪吏卒有僵仆於道路者伊汝間飢尤甚衛兵所過責其供餉不得則壞其什器撤其室廬以為薪甚於寇盜縣吏皆竄匿山谷

### 郭從謙以私財饗士

天成元年初莊宗與梁相拒於德勝募勇士挑戰從謙應募俘斬而還由是益有寵莊宗選諸軍驍勇者為親軍分置四指揮號從馬直從謙自軍使積功至指揮使郭崇韜方用事從謙以叔父事之睦王存乂以從謙為假子及崇韜存乂得罪從謙數以私財饗從馬直諸校對之流涕言崇韜之寃及

從馬直軍士王溫作亂莊宗戲之曰汝既負我附崇韜存乂又教王溫反欲何為也從謙益懼既退陰謂諸校曰主上以王溫之故俟鄴都平定盡阮若曹家之所有宜盡市酒肉勿為父計也由是親軍皆不自安

### 莊宗出金帛賜諸軍

詔懷遠指揮使白從暉將騎兵扼河陽橋莊宗乃出金帛給賜諸軍樞密宣徽使及供奉內使景進等皆獻金帛以助給賜軍士負物而詬曰吾妻子已殍死得此何為

漢軍大敗於彭城

二年漢王率諸侯兵凡五十六萬人伐楚遂入彭城收其貨寶美人日置酒高會項王聞之自以精兵三萬人至彭城日中大破漢軍睢水上漢軍却為楚所擠卒十餘萬人皆入睢水水為之不流圍漢王三匝會大風從西北起折木發屋揚沙石窈冥晝晦楚軍大亂壞散而漢王乃得與數十騎遁去道逢孝惠魯元公主載以行楚騎追之漢王急推墮二子車下滕公常下收載之卒保護脫二子審食其從太公呂后間行求漢王及遇楚軍項王常置軍中為質諸侯皆背漢復與楚塞王欣翟王賢二降楚

六十五

通鑑紀事本末卷一

用兵門四十七

韓信出背水陣破趙軍

三年韓信張耳以兵數萬東擊趙趙王及成安君陳餘聞之聚兵井陘口號二十萬廣武君李左車說成安君曰韓信陳耳乘勝而去國遠關其鋒不可當臣聞千里餽糧士有饑色樵蘇後爨師不宿飽今井陘之道車不得方軌騎不得成列行數百里其勢糧食必在其後願足下假臣奇兵三萬人從間路絕其輜重足下深溝高壘勿與戰彼前不得鬪退不得還野無所掠不至十日而兩將之頭可致於麾下否則必為二子所禽矣成安君嘗自稱義兵不用詐謀奇計韓信使人間視知其不用廣武君策則大喜乃敢引兵遂下未至井陘三十里止舍夜半傳發選輕騎二千人持一赤幟從間

道葦山而望趙軍誠曰趙見我走必空壁逐我若疾入趙壁拔趙幟立漢赤幟令裨將傅餐曰今日破趙會食諸將皆莫信佯應曰諾信乃使萬人先行出背水陳趙軍望見而大笑平旦信建大將旗鼓行出井陘口趙開壁擊之大戰良久信與張耳佯棄鼓旗走水上軍趙果空壁爭漢旗鼓逐信耳信耳已入水上軍軍皆殊死戰不可敗信所出奇兵二千遂馳入趙壁皆拔趙旗立漢赤幟二千趙軍已不能得信等欲還歸壁壁皆漢赤幟見而大驚兵遂亂遁走漢兵夾擊大破趙軍斬成安君泚水上禽趙王歇諸將問信曰兵灑右倍山陵前左水澤今者將軍令臣等反背水陳竟以勝何也信曰此在兵灑顧諸君不察耳兵灑不曰陷之死地而後生置之

亡地而後存且信非得素拊循士大夫也此所謂驅市人而戰今予之生地皆走寧得而用之乎諸將皆服曰善非臣所及也信募生得廣武君東鄉坐師事之問曰僕欲北攻燕東伐齊何若而有功廣武君辭謝曰臣敗亡之虜何足以權大事乎信曰僕聞之百里奚居虞而虞亡在秦而秦霸非愚於虞而智於秦也用與不用聽與不聽也誠令成安君聽足下計若信者亦已爲禽矣願足下勿辭廣武君曰今將軍虜魏王禽夏說誅成安君威震天下然欲舉倦敝之兵頓之燕堅城之下欲戰不得攻之不拔燕既不服齊必距境以自彊燕齊相持而不下則劉項之權未有所分也今爲將軍計莫如按甲休兵慎無稍民北首燕路而後遣辯士奉咫尺之書於

燕燕必聽從燕已從而東臨齊雖有智者亦不知為齊計矣  
兵固有先聲而後實者此之謂也韓信從其策發使使燕燕  
從風而靡

### 漢王數項羽十罪

四年項王乃即漢王相與臨廣武間而語羽欲與漢王獨身  
挑戰漢王數羽曰羽負約王我於蜀漢罪一矯殺卿子冠軍  
罪二救趙不還報而擅劫諸侯兵入關罪三燒秦宮室掘始  
皇帝冢收私其財罪四殺秦降王子嬰罪五詐阮秦子弟新  
安二十萬罪六王諸將善地而徙逐故主罪七出逐義帝彭  
城自都之奪韓王地并王梁楚多自與罪八使人陰殺義帝  
江南罪九為政不平主約不信天下所不容大逆無道罪十

也吾以義兵從諸侯誅殘賊使刑餘罪人擊公何苦乃與公  
挑戰羽大怒伏弩射中漢王漢王傷胷乃捫足曰虜中吾指  
漢王病創卧張良彊請漢王起行勞軍以安士卒毋令楚乘  
勝漢王出行軍疾甚因馳入成皐

### 高帝馬上得天下

十一年陸生時時前說稱詩書高帝罵之曰乃公居馬上而  
得之安事詩書陸生曰居馬上得之寧可以馬上治之乎且  
湯武逆取而以順守之文武並用長久之術也昔者吳王大  
差智伯秦始皇皆以極武而亡鄉使秦已并天下行仁義法  
先聖陛下安得而有之高帝有慙色曰試為我著秦所以失  
天下吾所以得之者及古成敗之國陸生乃祖述存亡之徵

凡著十二篇每奏一篇高帝未嘗不稱善號其書曰新語

### 魏相諫伐匈奴

元康二年匈奴大臣皆以爲車師地肥美近匈奴使漢得之多田積穀必害人國不可不爭由是數遣兵擊車師田者鄭吉將渠犁田卒七千餘人救之爲匈奴所圍吉上言車師去渠犁千餘里漢兵在渠犁者少執不能相救願益田卒宣帝與後將軍趙充國等議欲因匈奴衰弱出兵擊其右地使不敢復擾西域魏相上書諫曰臣聞之救亂誅暴謂之義兵兵義者王敵如於已不得已而起者謂之應兵兵應者勝爭恨小故不忍憤怒者謂之忿兵兵忿者敗利人土地化其寶者謂之貪兵兵貪者破持國家之大矜民人之衆欲見威於敵者

六十九

通鑑總類卷十一

用兵門五十

謂之驕兵兵驕者滅此五者非但人事乃天道也間者匈奴未有犯於邊境雖爭屯田卓師不足致意中今聞諸將軍欲興兵入其地臣愚不知此兵何名者也今邊郡困乏父子共犬羊之裘食草萊之實常恐不能自存難以動兵按今年計子弟殺父兄妻殺夫者凡二百二十二人臣愚以爲此非小變也今左右不憂此乃欲發兵報讎介之忿於遠夷殆孔子所謂吾恐季孫之憂不在顓臾而在蕭牆之內也宣帝從相言止遣長羅侯常惠將張掖酒泉騎往車師迎鄭吉及其吏士還渠犁

### 大司馬奮二郡之兵討王郎

更始二年大司馬秀北至薊會王子接起兵薊中以應王郎

城內擾亂秀趣駕而出晨夜南馳不敢入城邑舍食道傍至蕪婁亭時天寒烈馮異上豆粥至饒陽官屬皆乏食至下曲陽傳聞王郎兵在後從者皆恐三呼沱河候吏還白河水流漸無船不可濟秀使王霸往視之霸恐驚衆欲且前阻水還即詭曰冰堅可度官屬皆喜秀笑曰候吏果妄語也遂前比至河河水亦合乃令王霸護度未畢數騎而冰解至南宮遇大風雨秀引車入道傍空舍馮異抱薪鄧禹爇火秀對竈燎衣馮異復進麥飯進至下博城西惶惑不知所之有白衣老父在道旁指曰努力信都郡爲長安城守去此八十里秀即馳赴之是時郡國皆已降王郎獨信都太守任光和戎太守邳彤不肯從光聞秀至大喜邳彤亦自和戎來會議者多言

通鑑總類卷十一

用兵門五十一

元

可因信都兵自送西還長安邳彤曰吏民歌吟思漢久矣今卜者王郎假名因執驅集烏合之衆遂振燕趙之地無有根本之固明公奮二郡之兵以討之何心不克今釋此而歸豈徒空失河北必更驚動三輔隨損威重非計之得者也若明公無復征伐之意則雖信都之兵猶難會也何者明公旣西則邯鄲勢成民不肯捐父母背成主而千里送公其離散亡逃可必也秀乃止任光發傍縣得精兵四千人入堂陽界又擊貫縣進攻下曲陽降之衆稍合至數萬人復北擊中山移檄邊郡共擊邯鄲郡縣還復響應

### 披輿地圖以示鄧禹

咸說大司馬秀以守柏人不如定鉅鹿秀乃引兵東北拔廣



阿秀披輿地圖指示鄧禹曰天下郡國如是今始乃得其一子前言以吾慮天下不足定何也禹曰方今海內殺亂人思明君猶赤子之慕慈母古之興者在德薄厚不以大小也

既平隴復望蜀

建武八年光武自上邽晨夜東馳賜岑彭等書曰兩城若下便可將兵南擊蜀虜人苦不知足既平隴復望蜀每一發兵頭須爲白

岑彭用兵如神

十一年公孫述使其將延岑拒廣漢侯丹拒黃石岑彭使臧宮從涪水上平曲拒延岑自分兵浮江下還江州泝都江而上襲擊侯丹大破之因晨夜倍道兼行二千餘里徑拔武陽

×××三

通鑑總類卷十一

用兵門五十二

使精騎馳擊廣都去成都數十里執若風雨所至皆奔散初述聞漢兵在平曲故遣大兵逆之及彭至武陽繞出延岑軍後蜀地震駭述大驚以杖擊地曰是何神也延岑盛兵於沔水臧宮衆多食少欲引還恐爲所反會光武遣謁者將兵詣岑彭宮矯制取以自益晨夜進兵多張旗幟登山鼓譟右步左騎挾船而引呼聲動山谷岑不意漢軍卒至登山望之大震恐宮因縱擊大破之延岑奔成都其衆悉降

光武偃武修文

十三年光武在兵間久厭武事且知天下疲耗思樂息肩自隴蜀平後非警急未嘗復言軍旅皇太子嘗問攻戰之事光武曰昔衛靈公問陳孔子不對此非爾所及鄧禹賈復知帝

偃干戈修文德不欲功臣擁衆京師乃去甲兵敦儒學光正  
亦思念欲完功臣爵土不令以吏職爲過遂罷左右將軍官  
耿弇等亦上大將軍將軍印綬皆以列侯就第加位特進奉  
朝請

### 蜀譙周作仇國論以諷用兵

魏甘露二年漢姜維聞魏分關中兵以赴淮南欲乘虛向秦川  
率數萬人出駱谷安西將軍鄧艾進兵據之以拒維是時維  
數出兵蜀人愁苦中散大夫譙周作仇國論以諷之曰或問  
往古能以弱勝彊者其術何如曰吾聞之處大無患者常多  
慢處小有憂者常思善多慢則生亂思善則生治理之常也  
故周文養民以少取多句踐卹衆以弱斃彊此其術也或曰

六八七

通鑑總類卷十一

用兵門五十三

夫

曩者項彊漢弱相與戰爭項羽與漢約分鴻溝各歸息民張  
良以爲民志既定則難動也率兵追羽終斃項氏豈必由文  
王之事乎曰當商周之際王侯世尊君臣久固民習所專深  
根者難拔據固者難遷當此之時雖漢祖安能杖劔鞭馬取  
天下乎及秦罷侯置守之後民疲秦役天下土崩或歲改主  
或月易公鳥驚獸駭莫知所從於是豪彊並爭虎裂狼分疾  
搏者獲多遲後者見吞今我與彼皆傳國易世矣旣非秦末  
鼎沸之時實有六國並據之執故可爲文王難爲漢祖夫民  
之疲勞則騷擾之兆生上慢下暴則瓦解之形起諺曰射幸  
數跌不如審發是故智者不爲小利移目不爲意似改步時  
可而後動數合而後舉故湯武之師不再戰而克誠重民勞

而度時審也如遂極武黷征土崩執生不幸遇難雖有智者將不能謀之矣

### 慕容皝棄海冰討遼東

東晉咸康二年慕容皝將討慕容仁司馬高詡曰仁叛棄君親民神共怒前此海未嘗凍自仁反以來連年凍者三矣且仁專備陸道天其或者欲使吾乘海冰以龍擊之也皝從之羣僚皆言涉冰危事不若從陸道皝曰吾計已決敢沮者斬皝帥其弟軍師將軍評等自昌黎東踐冰而進凡三百餘里至歷林口搭輜重輕兵趣平郭去城七里候騎以告仁仁狼狽出戰悉衆陳於城之西北慕容軍帥所部降於皝皝從而縱擊大破之仁走其帳下皆叛遂擒之

通鑑總類卷十一

用兵門五十四

夫

### 唐褚遂良諫伐高麗

貞觀十八年相里玄奘至平壤諭使勿攻新羅莫離支曰昔隋人入寇新羅乘輿侵我地五百里自非歸我侵地恐兵未能已玄奘曰遼東諸城本皆中國郡縣中國尚且不言高麗豈得必求故地莫離支竟不從玄奘還言其狀太宗曰蓋蘇文弑其君殘虐其民今又違我詔命侵暴鄰國不可不討諫議大夫褚遂良曰陛下指麾則中原清晏顧眄則四夷驚服威望大矣今乃渡海遠征小夷若指期克捷猶可也萬一蹉跌傷威損望更興忿兵則安危難測矣李世勣曰聞者薛延陀入寇陛下欲發兵窮討魏徵諫而止使至今爲患太宗曰然此誠徵之失又欲自征高麗褚遂良上疏以爲天下譬猶

一身兩京心腹也州縣四支也四夷身外之物也高麗罪大誠當致討但命二三猛將將四五萬衆杖陛下威靈取之如反掌耳今以天下之君輕行遠舉皆愚臣之所甚憂也太宗不聽

太宗悔伐高麗無功

十九年太宗渡遼水遼澤泥潦車馬不通諸軍度渤鍇水暴風雪士卒沾濕多死者凡征高麗十城徙遼蓋嚴三州戶口入中國者七萬人新城建安駐蹕三大戰斬首四萬餘級戰士死者幾二千人戰馬死者什七八太宗以不能成功深悔之歎曰魏徵若在不使我有是行也命馳驛祀徵以少牢復立所製碑召其妻子詣行在勞賜之

房元齡諫太宗東征

二十二年房玄齡留守京師疾篤上徵赴玉華宮肩輿入殿至御座側乃下相對流涕因留宮下聞其小愈則喜形於色加劇則憂悴玄齡謂諸子曰吾受主上厚恩今天下無事惟東征未已羣臣莫敢諫吾知而不言死有餘責乃上表諫以爲老子曰知足不辱知止不殆陛下威名功德亦可足矣拓地開疆亦可止矣且陛下每決一重囚必令三覆五奏進素膳止音樂者重人命也今驅無罪之士卒委之鋒刃之下使肝腦塗地獨不足愍乎向使高麗違失臣節誅之可也侵擾百姓滅之可也它日能爲中國患除之可也今無此三條而坐煩中國內爲前代雪恥外爲新羅報讎豈非所存者小所

損者大乎願陛下許高麗自新焚陵波之船罷應首之衆自然華夷慶賴遠肅邇安臣旦夕入地僮蒙錄此哀嗷死且不朽玄齡子遺愛尚上女高陽公主太宗謂公主曰彼亡邦篤如此尚能憂我國家上自臨視握手與訣悲不自勝

陳子昂諫天后擊生羌

垂拱四年太后欲發梁鳳巴蠻自雅州開山通道出擊生羌因襲吐蕃正字陳子昂上書以爲雅州邊羌自國初已來未嘗爲盜今一旦無罪戮之必蜂起爲盜西山盜起則蜀之邊邑不得不連兵備守臣愚以爲西蜀之禍自此結矣臣聞吐蕃愛蜀富饒欲盜之久矣徒以山川阻絕障隘不通勢不能動今國家乃亂邊羌開隘道使其收奔亡之種爲鄉導以攻

邊是借寇兵而爲賊除道舉全蜀以遺之也蜀者國家之寶庫可以兼濟中國今執事者乃圖僥倖之利以事西羌得其地不足以稼穡財不足以富國徒爲糜費無益聖德况其成敗未可知哉夫蜀之所恃者險也人之所以安者無役也今國家乃開其險役其人險開則便寇人役則傷財臣恐未見羌戎已有姦盜在其中矣且蜀人尙不習兵戰山川阻曠去中夏遠今無故生西羌吐蕃之患臣見其不及百年蜀爲戎矣願陛下熟計之旣而役不果興

幽鎮用兵久無功

長慶元年自憲宗征伐四方國用已虛穆宗即位賞賜左右及宿衛諸軍無節及幽鎮用兵久無功府藏空竭勢不能支

執政乃議王庭湊殺田弘正而朱克融全張弘靖罪有重輕請赦克融專討庭湊穆宗從之

### 文宗厚賞軍功

大和二年易定節度使柳公濟奏攻李同捷堅固寨拔之又破其兵於寨東時河南北諸軍討同捷久未成功每有小勝則虛張首虜以邀厚賞朝廷竭力奉之江淮爲之耗弊

### 後梁劉鄩襲晉陽不克

貞明元年晉王勞軍於魏縣因帥百餘騎循河而上覘劉鄩營會天陰晦鄩伏兵五千於河曲叢林間鼓譟而出圍王數重王躍馬大呼帥騎馳突所向披靡乃得出劉鄩以晉兵盡在魏州晉陽必虛欲以奇計襲取之乃潛引兵自黃澤西去

通鑑總類卷十一

用兵門五十七

晉人怪鄩軍數日不出但時見旗幟循堞往來晉王曰吾聞劉鄩用兵一步百計此必詐也更使覘之乃縛芻爲人執旗乘驢在城上耳亟發騎追之會陰雨積旬黃澤道險葦泥深尺餘士卒墜崖谷死者什二三晉陽城中知之勒兵爲備鄩至樂平糗糧且盡又聞晉有備追兵在後衆懼將潰鄩諭之曰今去家千里深入敵境腹背有兵山谷高深如墜井中去將何之惟力戰庶幾可免不則以死報君親耳衆泣而止

### 晉王好引輕騎迫敵營

四年晉王軍於麻家渡賀瓌謝彥章將梁兵屯濮州北行臺村相持不戰晉王好自引輕騎迫敵營挑戰危窘者數四賴李紹榮力戰翼衛之得免趙王鎰致書戒之王謂使者曰定

天下者非百戰何由得之安可但深居帷房以自肥乎一旦  
王將出營都營使李存審扣馬泣諫曰大王當為天下自重  
彼先登陷陳將士之職也非大王之事也王為之攬轡而還  
它日伺存審不在急以數百騎抵梁營謝彥章伏精甲五千  
於隄下圍王數十重王力戰於中後騎繼至者攻之於外僅  
得出會存審救至梁兵乃退王始以存審之言為忠

### 趙季良預謀軍事

龍德二年魏州稅多逋負晉王以讓司錄趙季良季良曰殿  
下何時當平河南王怒曰汝職在督稅職之不修何敢預我  
軍事季良對曰殿下方謀攻取而不愛百姓一旦百姓離心  
恐河北亦非陛下之有況河南乎王悅謝之自是重之每預  
謀議

### 南唐欲終身不用兵

後周廣順二年唐主以比年出師無功乃議休兵息民或曰  
願陛下數十年不用兵可小康矣唐主曰將終身不用何數  
十年之有

### 後周世宗自將兵禦北漢

顯德元年世宗聞北漢主入寇欲自將兵禦之羣臣皆曰劉  
崇自平陽道走以來勢感氣沮必不敢自來陛下新即位山  
陵有日人心易搖不宜輕動且命將禦之世宗曰崇幸我大  
喪輕朕年少新立有吞天下之心此必自來朕不可不往馮  
道因爭之世宗曰昔唐太宗定天下未嘗不自行朕何敢偷

安道曰未審陛下能為唐太宗否世宗曰以吾兵力之疆破  
劉崇如山壓卵耳道曰未審陛下能為山否世宗不悅惟王  
溥勸行北漢乘勝進逼潞州世宗發大梁過澤州宿於州東  
北北漢主不知世宗至過潞州不攻引兵而南是夕軍於高  
平之南前鋒與北漢兵遇擊之北漢兵却世宗慮其遁去趣  
諸軍亟進北漢主以中軍陳於巴公原張元徽軍其東楊衮  
軍其西衆頗嚴整時河陽節度使劉詞將後軍未至衆心危  
懼而帝志氣益銳命白重贊李重進將左軍居西樊愛能何  
徽將右軍居東向訓史彥超將精騎居中央張永德將禁兵  
衛世宗世宗介馬自臨陳督戰楊衮策馬前望周軍退謂北  
漢主曰勅敵也未可輕進北漢主奮顙曰時不可失請公勿

言試觀我戰遂麾東軍先進張元徽將千騎擊周右軍合戰  
未幾樊愛能何徽引騎兵先遁右軍潰步兵千餘人解甲呼  
萬歲降于北漢帝見軍勢危自引親兵犯矢石督戰

太祖皇帝時為宿衛將謂同列曰主危如此吾屬何得不致  
死又謂張永德曰賊氣驕力戰可破也公麾下多能左射者  
請引兵乘高西出為左翼我引兵為右翼以擊之國家安危  
在此一舉永德從之各將二千人進戰

太祖皇帝身先士卒馳犯其鋒士卒死戰無不一當百北漢  
兵披靡北漢主知世宗自臨陳褒賞張元徽趣使乘勝進兵  
元徽前略陳馬倒為周兵所殺元徽北漢之驍將也北軍由  
是奪氣時南風兵無盛周兵爭奮北漢兵大敗楊衮恨北漢主



之語全軍而退。搯愛能何徽，引數千騎南走。控弦露刃，剽掠輜重，役徒驚走，失亡甚多。世宗遣近臣及親軍校追諭止之。莫肯奉詔。劉詞遇愛能等於塗，愛能等止之，詞不從。引兵而北。時北漢主尚有餘衆萬餘人，阻澗而陳。薄暮，詞至，復與諸軍擊之。北漢兵又敗，追至高平，僵尸滿山谷。委棄御物及輜重器械雜畜，不可勝紀。是夕，世宗宿於野次。樊愛能等聞周兵大捷，與士卒稍稍復還。北漢主自高平被褐戴笠，乘契丹所贈黃騮，帥百餘騎由雕窠嶺遁歸。晝夜北走，所至得食未舉，筋或傳周兵至，輒蒼黃而去。北漢主衰老力憊，伏於馬上，晝夜馳驟，殆不能支。僅得入晉陽。世宗欲誅樊愛能等，以肅軍政。猶豫未決。張永德侍側，世宗以其事訪之。對曰：「愛能等素無大功，忝冒節鉞，望敵先逃，死未塞責。且陛下方欲削平四海，苟軍法不立，雖有熊羆之士百萬之衆，安得而用之？世宗擲枕於地，大呼稱善。即收愛能徽及所部軍使以上七。餘人責之曰：「汝輩皆累朝宿將，非不能戰。今望風奔遁者，無它，正欲以朕爲奇貨，賣與劉宗耳。悉斬之。自是驕將惰卒，始知所懼，不行姑息之政矣。」

### 世宗有兼并北漢之意

初，世宗遣符彥卿等北征，但欲耀兵於晉陽城下，未議攻取。既入北漢境，其民爭以食物迎周師。泣訴劉氏賦役之重，願供軍須，助攻晉陽。北漢州縣繼有降者。世宗聞之，始有兼并之意。遣使往與諸將議之。諸將皆言：「芻糧不足，請且班師。以

俟再舉世宗不聽既而諸軍數十萬聚於太原城下軍士不免剽掠北漢民失望稍稍保山谷自固世宗聞之馳詔禁止剽掠安撫農民止徵今歲租稅及募民入粟拜官有差仍發澤潞晉絳慈隰及山東近便諸州民運糧以饋軍遣李穀詣太原計度芻糧

### 世宗馬上持石

三年世宗行視水寨至泚橋自取一石馬上持之至寨以供礮從官過橋者人齎一石

### 李穀勸世宗親征壽春

四年議者以唐援兵尚彊多請罷兵世宗疑之李穀寢疾在床第世宗使范質王溥就與之謀穀上疏以爲壽春危困破在旦夕若鑿駕親征則將士爭奮援兵震恐城中知亡必可下矣世宗悅

### 竇儼勸世宗速征淮南

竇儼上疏又言陛下南征江淮一舉而得八州再駕而平壽春威靈所加前無彊敵今以衆擊寡以治伐亂勢無不克但行之貴速則彼民免俘馘之災此民息轉輸之困矣世宗覽而善之

### 蜀李昊勸蜀主托周

五年高保融再遣蜀主書勸稱臣於周蜀主集將相議之李昊曰從之則君父之辱違之則周師必至諸將能拒周乎謂將皆曰以陛下聖明江山險固豈可望風屈服秣馬勵兵正

爲今日臣等請以死衛社稷蜀主命吳草書極言拒絕之

訓武門

唐太宗習射於顯德殿

武德九年太宗引諸衛將卒習射於顯德殿庭諭之曰戎狄  
侵盜自古有之患在邊境小安則人主逸遊忘戰是以寇來  
莫之能禦今朕不使汝曹穿池築苑專習弓矢居閑無事則  
爲汝師突厥入寇則爲汝將庶幾中國之民可以少安乎於  
是日引數百人教射於殿庭太宗親臨試中多者賞以弓刀  
帛其將帥亦加上考羣臣多諫曰於律以兵刃至御在所者  
絞今使卑碎之人張弓挾矢於軒陛之側陛下親在其間萬  
一有狂夫竊發出於不意非所以重社稷也韓州刺史封同  
人入朝切諫太宗比日不聽曰王者視四海如一家封域之內

通鑑總類卷十一

訓武門六十三

皆朕赤子朕一一推心置其腹中柰何宿衛之士亦加猜忌  
乎由是人思自勵數年之間悉爲精銳

明皇議武於驪山之下

開元元年明皇幸新豐講武於驪山之下徵兵二十萬旌旗  
連亘五十餘里以軍容不整坐兵部尚書郭元振於壽縣下將  
斬之劉幽求張說跪於馬前諫曰元振有大功於社稷不可  
殺乃流新州斬給事中知禮儀事唐紹以其制軍禮不肅故  
也時二大臣得罪諸軍多震懾失次惟左軍節度薛訥朔方  
道大揔管解琬二軍不動上遣輕騎召之皆不得入其陳明  
皇深歎美慰勉之

馬燧教牧馬廝役

大曆十四年以馬燧為河東節度使河東承百井之敗騎士單弱燧悉召牧馬廝役得數千人教之數月皆為精騎造甲必為長短三等稱其所衣以便進趨又造戰車行則載兵甲止則為營陳或塞險以遏奔衝器械無不精利居一年得選兵三萬

### 李德裕簡蜀兵

大和五年西川節度使李德裕奏蜀兵羸疾老弱者從來終身不簡臣命立五尺五寸之度簡去四千四百餘人復簡募少壯者千人以慰其心所募北兵已得千五百人與土兵參居轉相訓習日益精練又蜀工所作兵器徒務華飾不堪用臣今取工於蜀道以治之無不堅利

### 崔安潛訓練蜀兵

乾符六年西川節度使崔安潛以蜀兵怯弱奏遣大將齋牒詣陳許諸州募壯士與蜀人相雜訓練用之得三千人分為三軍亦戴黃帽號黃頭軍又奏乞洪州弩手教蜀人用弩走丸而射之選得千人號神機弩營蜀兵由是浸彊

### 後周世宗大簡諸軍

顯德元年初宿衛之士累朝相承務求姑息不欲簡閱恐傷人情由是羸老者居多但驕蹇不用命實不可用每遇大敵不走即降其所以失國亦多由此世宗因高平之戰始知其弊謂侍臣曰凡兵務精不務多今以農夫百未能養甲士一奈何浚民之膏澤養此無用之物乎且健懦不分衆何所勸

乃命大簡諸軍精銳者升之上軍羸者斥去之又以驍勇之士多為諸蕃鎮所蓄詔募天下壯士咸遣詣闕命太祖皇帝選其尤者為殿前諸班其騎步諸軍各命將帥選之由是士卒精彊近代無比征伐四方所向皆捷選練之力也

太祖皇帝部兵甚精

三年世宗命

太祖皇帝倍道襲清流關皇甫暉等陳於山下方與前鋒戰太祖皇帝引兵出山後暉等大驚走入滁州欲斷橋自守太祖皇帝躍馬麾兵涉水直抵城下暉曰人各為其主願容成列而戰

太祖皇帝筵而許之暉整衆而出

太祖皇帝擁馬頸突陳而入大呼曰吾止取皇甫暉它人非吾敵也手劍擊暉中腦生擒之并擒姚鳳遂克滁州遣使獻皇甫暉等暉傷甚見世宗卧而言曰臣非不忠於所事但士卒勇怯不同耳臣曷日屢與契丹戰天嘗言兵精如此因盛稱

太祖皇帝之勇世宗釋之

邊備門

漢鼂錯請募民入粟於邊受爵免罪

十二年鼂錯言於文帝曰今令民有車騎馬一匹者復卒三人車騎者天下武備也故爲復卒神農之教曰有石城十仞湯池百步帶甲百萬而無粟弗能守也以是觀之粟者王者大用政之本務今民入粟受爵至五大夫以上乃復一人耳此其與騎馬之功相去遠矣爵者上之所擅出於口而無窮粟者民之所種生於地而不乏夫得高爵與免罪人之所甚欲也使天下人入粟於邊以受爵免罪不過三歲塞下之粟必多矣文帝從之令民入粟邊拜爵各以多少級數爲差錯復奏言陛下幸使天下入粟塞下以拜爵甚大惠也邊食足以支五歲可令入粟郡縣矣郡縣足支一歲以上可時赦勿收農民租如此德澤加於萬民民愈勤農大富樂矣文帝復從其言

吳呂蒙請立濡須塢以備曹操

建安十七年吳呂蒙聞曹操欲東兵說孫權夾濡須水口立塢諸將皆曰上岸擊賊洗足入船何用塢爲蒙曰兵有利鈍戰無百勝如有邂逅敵步騎蹙人不暇及水其得入船乎權曰善遂作濡須塢

吳益巴丘之戍蜀增白帝之守

魏青龍二年吳人聞諸葛亮卒恐魏承衰取蜀增巴丘守兵爲人一欲以爲救援二欲以事分割漢人聞之亦增永安之

守以防非常漢主使右中郎將宗預使吳吳主問曰東之與西譬猶一家而聞西更增白帝之守何也對曰臣以爲東益巴丘之戍西增白帝之守皆事執宜然俱不足以相問也吳主大笑嘉其抗盡禮之亞於鄧芝

晉杜預嚴戍守於襄陽

太康元年杜預還襄陽以爲天下雖安忘戰必危乃勤於講武申嚴戍守又引洧涓水以浸田萬餘頃開楊口通零桂之漕公私賴之

桓宣鎮襄陽趙人不能勝

咸和七年桓宣鎮襄陽招懷初附簡刑罰政或儀勸課農桑或載鉏耒於輶軒親帥民芸穫在襄陽十餘年趙人再攻之

宣以寡弱拒守趙人不能勝時人以爲亞於祖逖周訪

宋何承天陳備戎四策

元嘉二十三年文帝以魏寇爲憂咨訪羣臣御史中丞何承天上表以爲凡備匈奴之策不過二科武夫盡征伐之謀儒生講和親之約今若欲追蹤衛霍自非大田淮泗內實青徐使民有贏儲野有積穀然後發精卒十萬一舉蕩夷則不足爲也若但欲遣軍追討報其侵暴則彼必輕騎犇走不肯會戰徒興巨費不損於彼報復之役將遂無已斯策之最末者也安邊固守於計爲長臣竊以曹孫之霸才均智敵江淮之間不居各數百里何者斥候之郊非耕牧之地故堅壁清野以候其來整日繕兵以乘其弊保民全境不出此塗要而歸



之其策有四一曰移遠就近今青兗舊民及冀州新附在界首者三萬餘家可悉徙置大峴之南以實內地二曰多築城邑以居新徙之家假其經用春夏佃牧秋冬入保寇至之時一城千家堪戰之士不下二千其餘羸弱猶能登陴鼓譟足抗羣虜三萬矣三曰募偶車牛以載糧械計千家之資不下五百耦牛爲車五百兩參合鈎連以衛其衆設使城不可固平行趨險賊所不能干有急徵發信宿可聚四曰計丁課伏凡戰士二千隨其便能各自有仗素所服習銘刻由已還保輸之於庫出行請以自新弓斡利鐵民不得者官以漸充之數年之內軍用粗備矣近郡之師遠屯清濟功費旣重嗟怨亦深以臣料之未若即用彼衆之易也今因民所利導而帥

之兵彊而敵不戒國富而民不勞比於優復隊伍坐食糧廩者不可同年而校矣

周朗謂歷下泗間不足戍守

三十年中軍錄事參軍周朗上疏以爲毒之在體必割其緩處歷下泗間不足戍守議者必以爲胡衰不足避而不知我之病甚於胡矣今空守孤城徒費財役使虜但發輕騎三千更互出入春來犯麥秋至侵禾水陸漕輸居然復絕於賊不勞而邊已困不至二年卒散民盡可躡足而待也今人知不以羊追狼蟹捕鼠而令重車弱卒與肥馬悍胡相逐其不能濟固宜矣

北魏高閭請築長城以備虜

齊永明二年魏中書監高閭上表以爲北狄悍愚同於禽獸所長者野戰所短者攻城若以狄之所短奪其所長則雖衆不能成患雖來不能深入又狄散居野澤隨逐水草戰則與家業竝至奔則與畜牧俱逃不齎資糧而飲食自足是以歷代能爲邊患六鎮勢分倍衆不鬪互相圍逼難以制之請依秦漢故事於六鎮之北築長城擇要害之地往往開門造小城於其側置兵扞守狄旣不攻城野掠無獲草盡則走終必懲艾計六鎮東西不過千里一夫一月之功可城三步之地疆弱相兼不過用十萬人一月可就雖有暫勞可以永逸凡長城有五利罷遊防之苦一也北部放牧無抄掠之患二也五城觀敵以逸待勞三也息無時之備四也歲常遊運永得不匱五也魏主優詔答之

### 齊武帝備魏主南伐

十一年初武帝於石頭造露車三千乘欲步道取彭城魏人知之劉昶數泣訴於魏主乞處邊戍招集遺民以雪私恥魏主大會公卿於經武殿以議南伐於淮泗間大預馬芻武帝聞之以崔慧景爲豫州刺史以備之

### 梁馮道根閑暇而却魏兵

天監二年南梁太守馮道根戍阜陵初到修城隍遠斥候如敵將至衆頗笑之道根曰怯防勇戰此之謂也城未畢党法宗等衆二萬奄至城下衆皆失色道根命大開門緩服登城

說二百人出與魏兵戰破之魏人見其意思閑暇戰又

不利遂引去道根將百騎擊高祖珍破之魏諸軍糧運絕引退以道根爲豫州刺史

北魏袁翻議選邊將

十五年任城王澄以北邊鎮將選舉彌輕恐賊虜闚邊山陵危迫奏求重鎮將之選修警備之嚴詔公卿議之廷尉少卿袁翻議以爲比緣邊州郡官不擇人唯論資級或值貪汚之人廣開戍邏多置帥領或用其左右姻親或受人化負財請屬皆無防寇之心唯有聚斂之意其勇力之兵驅令抄掠若值疆敵卽爲奴虜如有執獲奪爲己富其羸弱老小之輩微解金鐵之工少閑草木之作無不搜營窮壘苦役百端自餘或伐木深山或芸草平陸販買往還相望道路此等祿旣不多

賞亦有限皆收其實絹給其虛粟窮其力薄其衣用其功節其食綿冬歷夏加之疾苦死於溝瀆者什常七八是以鄰敵伺間擾我疆場皆由邊任不得其人故也愚謂自今已後南北邊諸藩及所統郡縣府佐統軍至于戍主皆令朝臣王公已下各舉所知必選其才不拘階級若稱職及敗官并所舉之人隨事賞罰太后不能用

耿翔掩襲膠州

中大通五年魏青州民耿翔聚衆寇掠三齊膠州刺史裴粲專事高談不爲防禦翔掩襲州城左右白賊至粲曰豈有此理左右又言已入州門粲乃徐曰耿王來可引之聽事自餘下衆且付城民翔斬之送首來降

北齊椎冰以備周兵之逼

陳天嘉五年初齊顯祖之世周人常懼齊兵西度每至冬月守河椎冰及世祖即位嬖幸用事朝政漸紊齊人椎冰以備周兵之逼斛律光憂之曰國家常有吞關隴之志今日至此而唯翫聲色乎

唐李世勣守并州壯於長城

貞觀十五年并州大都督長史李世勣在州十六年令行禁止民夷懷服太宗曰隋煬帝勞百姓築長城以備突厥卒無所益朕唯置李世勣於晉陽而邊塵不驚其爲長城豈不壯哉

李德裕請置備邊庫

會昌五年李德裕請置備邊庫令戶部歲入錢帛十二萬緡匹度支鹽鐵歲入錢帛十三萬緡匹明年減其三之一凡諸道所進助軍財貨皆入焉以度支郎中判之

後梁周德威失幽州渝關之險

貞明三年初幽州北七百里有渝關下有渝水通海自關東北循海有道道狹處纔數尺旁皆亂山高峻不可越比至進牛口舊置八防禦軍募土兵守之田租皆供軍食不入於前幽州歲致繒纊以供戰士衣每歲早穫清野堅壁以待契丹契丹至則閉壁不戰俟其去選驍勇據隘邀之契丹常失利走土兵皆自爲田園力戰有功則賜勳加賞由是契丹不敢輕入寇及周德威爲盧龍節度使恃勇不修邊備遂失渝關

之險契丹每芻牧於營平之間德威又忌幽州舊將有名者  
往往殺之

### 後唐趙德鈞戍三城以防虜

長興三年初契丹既彊寇抄盧龍諸州皆徧幽州城門之外  
虜騎充斥每自涿州運糧入幽州虜多伏兵於閭溝掠取之  
及趙德鈞爲節度使城閭溝而戍之爲良鄉縣糧道稍通幽  
州東十里之外人不敢樵牧德鈞於州東五十里城潞縣而  
戍之近州之民始得稼穡至是又於州東北百餘里城三河  
縣以通薊州運路虜騎來爭德鈞擊却之城三河畢邊人賴  
之

### 後周浚胡盧河以禦契丹

顯德二年契丹自晉漢以來屢寇河北輕騎深入無藩籬之  
限郊野之民每困殺掠言事者稱深冀之間有胡盧河橫亘  
數百里可浚之以限其奔突是月詔節度使王彥超韓通將  
兵夫浚胡盧河築城於李晏口留兵戍之世宗召德州刺史  
張藏英問以備邊之策藏英具陳地形要害請列置戍兵募  
邊人驍勇者厚其賞給自請將之隨便宜討擊世宗皆從之  
以藏英爲沿邊都指揮使藏英到官數月募得千餘人王彥  
超等行視役者嘗爲契丹所圍藏英引所募兵馳擊大破之  
自是契丹不敢涉胡盧河河南之民始得休息

### 南唐失把淺而致周師

唐主旣克建州破湖南益驕有吞天下之志先是每冬淮水

戊涸唐人常發兵戍守謂之把淺壽州監軍吳廷紹以爲疆  
場無事坐曹資糧悉罷之清淮節度使劉仁贍上表固爭不  
能得世宗以李穀督韓令坤等十二將以伐唐

通鑑總類卷第十一



